

حيات

اداره مرکزی :

آنقره ده ، استانبول جاده سنده آنقره
معارف امینکی یاشده کی داڭره

استانبول بوروسى :

استانبولده ، باب عالی جاده سنده رسلی برشقه
اداره خانمسی داخلده کی داڭره
تلفون : ۳۶۰۷

نومرسی هر برده ۱۰ غروردر .

سنه لکی پوسته ایله ه لیرا .
(اجنبی مملکتلر ایچین ه دولار) .

ایونه واغلان ایشلری ایچین استانبول بوروسه
مراجعت ایدیلیر .
یازی ایشلرینک مرجعی آنقره مرکزیدر .

هیانه دایما هیانه... دایما راهلر هرور حیات قاتلم...!

نجه -

۱ نجی جلد

آنقره ، ۶ کانون ثانی ، ۱۹۲۷

صافی : ۶

یکی منه

انقلاب و مجدد لرله دولو بر سنبی راهلر آرقامزده برادره ، « حیات » یکی بیلی محترم قارئینه تبریک ایدرکن
۱۹۲۷ سنه نیک علم و صنعت دایم سنده مملکت ایچونه فیضلر کتیرمسی نمئی ایدر .

مصاحبه

قوتلی منور زمره نصیل یتیشیر

هر اجتماعی انقلاب بر طاقم باغلی قیرار ،
فعالیت و دوشونجه ایچون کنیش بر ساحه یار ایتیر ،
بو ساحه ایچنده بوتون امکاملری تحقق ایتدیرمک
یتیشه جک کنج نسللره عائد بروطفه اولور .
تورک بویوک انقلابنک فیض و نمره سندن مملکتی
تماماً استفاده ایتدیرمکده بو کونکی عرفان
مؤسسه لریمزدن یتیشه جک منور زمره نیک ایشی
اولا جقدر . اونک ایچوندرکه استقبالک منور
زمره سنی اک ایی بر صورتده حاضر لامق بو کونک
چوق مهم بر معارف مسئله سیدر .

تورک انقلابی قارشینده ارتجاع تهلکه سی
یوقدر . بوقادار روحاً دیکشمش بر مملکتک
ماضیه رجوع ایتمه سی ممکن دکدر . اصل
تهلکه یکی یتیشه جک نسلک انقلابک آج دینی
یولده قوتله ، سرعتله یورویه مه مارنده ، مملکتی
مدنیت ساحه سنده اک یوکسک مرتبه یه چیقارا .
مامه سنده در . بو تهلکه نیک اوکنی آلمق ایچون
منور زمره یتیشدیره جک اولان عرفان مؤسسه
لریمزک معناً چوق قوتلی اولماسی اقتضا ایدر .

بوقوتی بالخاصه معلملریمزک انقلاب مفکوره سنی
کنج روحلره تلقین قابلیتنده و تدریس و تربیه
سیسته منده آرامغه مجبورز . انقلاب قیصه بر زمانده
تورک ملتی اک یوکسک مدنی سویه یه چیقارمق
مفکوره سنی روحلره آشیلامشدر . زرده
یوکسک ملی بر فعالیت کورورسه کز همان هپسنک
حرکی بو مفکوره در . معلملر بوایده آلک هیجانی
کنجلره قوتله تلقین ایده بیلملیدرلر . کنجلر ده
مکتب صیرالرنده تورک ملتک هیچ بر ساحه ده دیکر
ملتلردن اشاعی موقعده قالماسنه تحمل ایده مه یه جک
وجهله یتیشدیریللی ، اولنره مادی و معنوی قوتلرینی
بو یوکسک املک حصوله حصر ایتک هیجانی
آشیلمالیدر .

مشروطیتک ایلک سنه لرنده تربیه مسئله لرله
اشتغال ایدنلر تربیه و تحصیلک هدف و غایه سی کی
اک اساسلی مسئله یی بر اقلرله ، یا خود تماماً مجرد
بر فکری ، تربیه نیک اک اساسلی محوری کی
کوستر مشلدر . بو ذاتلره کوره تربیه چوجوقلرده
و کنجلرده « انسانی ملکه لرنک متناسباً انکشافه
خدمت ایتمکدر » ... فقط بوانکشاف نه ایچون ؟
کنجلر تربیه و تحصیل ایلک اکتساب ایلله جکلری
قوتی بر غایه اوغرنده قوللانغی بیلمدکن صورکرا
اونلرک بیلکیلرندن نه فائده حاصل اولابیلیر ؟
بویله بر غایه نیک هیجانی دویمایانلرده شدتلی
فعالیت اولاماز . قوتلی بر حیاته صاحب

اولمایان ، بر مفکوره اوغرنده شدید بر
فعالیت قابلیتته مالک بولونمایان منور بر زمره
تورکیه کی هر ساحه ده یکی ابداعلره محاج
بر مملکتده وظیفه سنی یاپاماز . ذاتاً اجتماعی بر غایه
معطوف اولمایان تربیه و تلقینک نه قیمتی واردر ؟
شو حالده عرفان مؤسسه لریمز بوتون قوتلرینی
اجتماعی بر غایه اوغرنده صرف ایده بیله جک کنجلر
یتیشدیرمک مجبوردر . بو غایه یی انقلاب چیز مشدر :
تورک ملتی هر ساحه ده اک یوکسک سویه
چیقارمق ؛ غرب مدنیتی ایچنده اک مرفه ،
مادی و معنوی قدرت اعتبارله اک مجهز بر حاله
کتیرمک . . . منور زمره نیک بوتون فعالیت
بوملی مفکوره اطرافنده طوپلانمق ایجاب ایدر .
ایشته متفکر و طنشداش یتیشدیره جک اولان
مؤسسه لریمزک تربیه ده استهداف ایلله جکی غایه . .
فقط بو کافی دکدر . قوتلی بر منور زمره
یتیشمه سی ایچون دونه نظر آتدیرس سیسته منده ده
اساسلی بر تبدل لازمدر : بو تبدلک اک مهم
اساسی کنجلرده مشاهده ، اک کنیش معناد ،
تجربه قابلیتینی آرتیرمقدر هر کس اطرافنده کی
اشیایه ، حادثاته باقار . فقط انحق معین علملرله
تجهیز ایدیلن دماغلرده مشاهده قابلیتی حاصل
اولابیلیر . هر هانکی درجه ده اولورسه اولسون
هر نوع تدریسک اک مهم هدفی اشیا و موجوداته ،
حیاتی حادثه لره قارشى مشاهده قابلیتینی آرتیرمق

ايچون تعقيب ايديله جك يوللري و واريله جتي هدفلري بك اعلا كوتستر مشدر . ديكر ملتدره اولدين كچي تورك هيت اجتماعيه سيده نهايت اك اي، اك دوغرو واك كوزل برشكل حيات ياراتق ايچون اوغراشمقده و بو هيجان ايله چاليشمقده در . فردى و اجتماعى اخلاقز ، عادتلرمن ، مؤسسه لرمن آنجق بو غايه نك تحققي ايچون يادقلري مثبت و منفي خدمتك درجه سيله تقدير ايديله بيلير . ملتر هرياشايان وارلق كچي تكامل ايتدكه عضويتلرندن لزومسز كورولن بعض شيلري آغغه و بوكا مقابل احتياج حس ايتدكلري ديكر بعض شيلري آلفه مجبوردرلر . ملتك حياتنده بر زمانك احتياجنى و شكل حياتنه توافقي ايتكده ايكن بالاخره بيكي حيات شكلرينه اويمايان و بو صورتله مانع ترقى برماهيت آلان قيمتلري ترك ايتكده تردد كوسترمه يز . ماضى شايان حرمت ايسه ده « حال » ايچنده اوكا اولكي رولنى اويئاتق امكانى يوقدر . بوكون نصل تورك كنجلري ، - قيز وارلك - بيوك بابا و آننه لرمن كچي كينمه نك كولونج برشى اولديغنى تصديق ايديبورلر عادت و دوشونجه لرمنك ده عيني تحول و تكامله معروض قالمى لزومنى ادراك ايتلدرلر . قياقت و شكلده كى تبدل ، ملتك عناصر اصليه سته اجراى تاثير ايدمه جيكي كچي عادتلرك ، ياشايش و دوشونش طرزلرينك ده دكيشمه سي عيني ماهيتى حائزدر .

مدنى ملتلك تكاملى تاريخنى تدقيق ايدرايسه ك ، اونلرك هويت مليه لرني غائب ايتك-مزين مختلف جمعيت صفحه لرندن كچه رك بوكونكي حاله كلكلري كورورز . البت اسكى زهرملتلك طرزه حياتى ، اخلاق و عاداتى ايله بوكونكي آلانلرك احوالى آره سنده داغلقدر فرق واردر . و بوكون آلانلر هيچ شبهه سز حيات شكلى اعتباريله ، زهرملتردن زياده بالفرض فرانسزلره ده زياده بكره درلر . بويله اولقله اونلر هويت مليه لرني ضايعى ايتملدر ؟ شبهه سز كه خاير !.. ملترو روحى تكامل اعتباريله آز جوق فردلره بكره درلر . بر فرد حياتك دوامى مدخه هويت شخصيه سنى محافظه ايتكله برابر ، مختلف تكامل دوره لرى كچيرر . كوچك ايكن ، كنج ايكن ، سن كالمه ايكن مادى و معنوى احتياجلرى آبرى آبرى اولور . ملتري ايچون ده بويله در . تاريخنك بر صفحه سنده بر ملت ايچون لزوملى كورولن برطرز ، برعادت ، باشقه بردورده تركى لازم كلن برشى اولور . يالكز ديكر ملتري بونلري كله جك نسللرك تنويرى ايچون تاريخلرده ويا موزه لرده صاقلارلر .

انقلابلر ماهيت اعتباريله جمعيت حياتك تكاملنه مانع تشكيل ايدن و منفي بر رول اوينامقده بولنان قيمتلرك و حيات تلقيلرينك تركى ايله اوتكامللى تسريع ايديله جك اولان بيكي قيمت و تلقيلرك قبول و تطبيقندن باشقه بر شى دكلدر . اكر جمعيت حياتى عصر ك انجمايانه توفيق حركت ايدرك قبول و تركى لازم كلن شيلري وقتنده كوره بيلسه ايدى ، انقلاب صارسيتيسيز اولوردى . نته كم حياتنه بك پراتيك و شافى كوروش صاحبي اولان آنغلو ساقسونلرده انطباق بويله ساكن و ساكت برشكله وقوع بولقده در .


انقلاب بر ياشامه و بوندن دهافضله اوله رقى بر يوكلمه حمله سيدر . بو حمله يى يابان ملتك بتون فردلري اونك انجمايانى قبول ايديله جكلدر . استقباله باقاجق يرده ماضيه دونه رك ، ارك محكوم زوال اعتيادلرينه متحسرانه آه ! چكك هم بيهوده در ، وهم ده ملت و وطنپرورلكه منافيدر . ملتپرورلكى ، عنعنه پرستكدن زياده انقلابك انجمايانه انطباق ايتكده آرامالى يز . حتى اودرجه ده كه بوكون ظاهراً هر زمان ايچون اى كورولن بعض خويلرمن ، فردى و اجتماعى خصلت و عادتلرمن بيله جمعيترك ترقى و انكشافى نقطه نظرندن شكللرينى دكيشديرمك مجبوريتنده در . مثلا تورك مسافر پرورد ، طبعاً جوهر د و مرحتلدر . خير ايشله سنى سوه . بوكونل خويلرك دوام و انكشافى هيچ شبهه سز لازمدر . آنجق بونلرك جمعيت حياتى دوچار ضعف ايتمه جك و بالعكس اونى تقويه ايله جك صورتده اجتماعياشملري انجما ايدر . اسكى افطار و دوكون ضيافت و دعوتلري شكلنده كى مسافر پرورلك و سخاوت بوكونكى اقتصادى ضرورتلر ايله قابل تأليف دكلدر . ينه بونك كچي ديلنجيلره و فقرانامى آلتنده كى مسكينلره فردى معاونتلىر يابارق مرحت كوسترمك ديلنجيلكى و مسكينلى تشويق ديكدر . اصل جمعيت حياتى بوشكلده ياپيلان خيرلردن بر فائده كورمك دكده ماعدا متضرر بيله اولور . حالوكه وطنداشله يارديم و معاونت آرزوسى هلال احمر ، حمايه اطفال ، دارالعهزه ... كى مؤسسه لره تبرع شكلنده تظاهر ايدر ايسه مقصد حصوله كله جكي كچي حيات اجتماعيه مزده تقويه ايدلش اولور . مدفز ، عمومى سعادت ايچنده فردى سعادتى تأمين ايتك اولديغنه كوره دولتچيلك و جمعيتچيلك دوشونجه لرنيك تكاملنه خدمت ايدن بو طرز حركت ضروري در .

آنجق بو انطباق واديسنده تفریطدن افراطه دوشمه مكه دقت ايدليلدر . برعكس العمل نتيجه سى اوله رقى اسكى حياتمه متعلق نه وارسه بلاتدقيق ، هپسنى بردن آتيويرمك بعض مهلك بوشقنلر وجوده كتيره بيلير . انقلاب مفكوره لرنيك تحققة مانع اولقى شويله دورسون اونى تسهيل ايديله جك قيمتلر اسكى حياتدن مدور اولسه بيله محافظه ايدلكه لايقدرد . واصل بونلردركه بر ملتك اجتماعى حياتنده كه نت وظيفه سنى كورهن عنعنه لرى تشكيل ايدرلر . لسان و مشترك خاطره لك حكايه جيسى اولان تاريخ بونلرك اك مهملرنددر .

تجدد و ترقى قصديله تعقيب ايديله جكمز يوللرك ماهيتى حقنده بزي تنوير ايديله جك معيار ملت و دولت ك سلامت و رفاهندن باشقه بر شى اوله ماز . بوراده شخصى ذوق و آرزولرك برى يوقدر . بوندن باشقه تجدد ، حياتك قابنده ، ظاهرى شكلنده اولقندن زياده اونى وجوده كتيره ن اصلى عنصرلرده وقوع بولميدر . بوده آنجق وطنداشلك دولت و جمعيت حياتنه شيمدى يه قدر اولديغندن دهافضله علاقه كوستره رك اونك مفكوره لرينه ، دماغلري ، اراده لرى ،

حسلى ، خلاصه بتون شخصيتلري ايله انطباق ايتكه چاليشملري ايله ممكن اولور . بوكون بزي مدنيت و ترقى بولنده توقيف ايديله جك استبداد و تعصب كچي سياسى و دينى مانع لر موجود دكلدر . يالكز انقلابى آكلايه مامقندن ويا خود منحصرأ شخصى منفعتلري دوشونمكدن . تولد منفي ذهنياتلر واردركه ايشلك آرزو ايديلن اجتماعى نظامده دوامى آرزوق اشكال ايديبور . وطنداشلك اجتماعى و - اسى تربيه لرى ايلرلديكه بو شعورلى ويا شعورسز فردى مقاومتلركده زائل اولاجفنه شبهه يوقدر .

زكى مسعود



ده قرولى مكتبي

۴

برو غرام و موز

چوجوق ايچون بيلنمى اك زياده حائز اهميت اولان شى بالذات كنديسيدر . ناصل اعمال ايدبلشدر ، هراعضاسنى ناصل قوللانيور ؟ ناصل بيور ، تنفس ايديبور ، اويويور ، چاليشيور ، اوينايور ، حواسندن ناصل استفاده ايديبور ؟ نهدن آجقيور ؟ صوصايور ، اوشويور . اويقوسى نهدن كليور ؟ نه ايچون قورقويور ؟ نهدن قيزيور ؟ ايني و فنا خويلري هانكيلير ؟ كبر ، غرور ، خود پسندك ، قيصقانچلى ، انتظامسزلىق ، تامللك كندينه نه لرغيب ايتديرر ، وقار ، عزت نفس ، چاليشقانلى ، دوغرولق ، جبارت ، صميميت ، ثبات و غيرايديشلك نه لر قازانديرر ؟

خلاصه هرشيدن اول چوجوغه كندينى لايقيه طائىق لازمدر . اوندن صوكراده ايچنده يشاديني محيطله و عالم خارجى ايله تماسه كتيرمه لى ، محيطى چوجوغك نقطه نظرينه كوره آلاملى ، اونك حياتيله علاقه دار اولمايان شيلري براقالى . محور حركتى چوجوغك احتياجلرى تشكيل ايتمه لى . كرك طبيعت ، كرك جمعيت اونى تظمين ايچون نه وجوده كتيرمشمه هپسنى نظردقته آلاملى .

به سوزلريره قارشى نه دوشونديككزى كشف ايدر كچي اوليورم . « بو سويلدكلر كرك هپسى بيكي پروغراملرده وار » فى الحقيقه عرض ايتك ايسه ديكم شيلرك هپسى پروغراملرده واردر . اونى بنده انكار ايتيورم ، يالكز شوفرقله كه نم غايه م بوتون مواد درسيه آراسنده بر آهنگ و بر رابطه تأسيس ايتكدر . اونلرك هيت عموميه سنى بر مكردن اصدار وينه بر مكره ارجاع لازمدر . اولجه ده عرض ايتشدم . هر شى چوجوغه توجه ايتمه لى و صوكره هر شى چوجوقدن تشعب ايتمه لى ... نازك اولان نقطه بودر .

تعليم و تربيه من فعاليت دماغيه نك جمله جه معلوم اولان اوچ مرحله سته استناد ايدر : انطباق (Impression) ، تكون و تئلل (E laboration) ، افاده ويا معنا (E xpression) ؛ بونلردن برنجيسى ال

ایله طوبیلا بیلن حواس واسطه سیله آله بیلن شیلردن صادر اولورکه جوجوق دوغروندن دوغرویه اونلرله تماس ایتدیریلیر. بوبر مشاهده (Observation) حالیدر.

ایکنجیسنده خاطرات و مرئسات کبی دهامجرد مفهوملردرکه جوجوق اسکی تجربه لری ایله مشاهده لری و معدلک سوزلری دوشونه رک و یاسینه مالرده کوردیکی شیلری تخطر ایدرک فعالیت ذهنیه ده بولنور. بوکاده تداعی (Association) دییورز.

اوجنجیسنده قدرت عقلیه نك ال ایشلری، یا تخیر و تکلمده تظاهرینه بالخاصه غیرت ایدیلر که بوکاده افاده و معنا دییورز.

شبهه یوق که بو ممارسات فکریه نك هیچ بری یکدیگرندن آریلماز. مشاهده وظیفه سی کوررکن، انطباق و یا تداعی افکارک وقوع بولماسنه امکان یوقدر. بو تقسیمی یا عقلیه جوجوگک دماغنک طرز فعالیتنه تبعیت ایتش اولقندن باشقا برشی یا دییورز. شیمیدی برارده اصولدن بحث ایده بیلیرز. جوجوگک استعداده و قابلیت دماغیه سه کوره پروگرامک احتوا ایتدیکي ماده لرک تصنیف و ترتیبه مه تود دییورز. جوجوگک ذکاسنک تربیه سی ایچون بوندن استفاده ایده جکیز.

غایه مزه وصول ایچون علاقه و یا فکر مرکزلری اصولی قبول ایده جکیز، بوتون ممارساتی عینی مرکزک اطرافنده طوبیلا یه جغز.

اوحالده بو اصولی برکره مشاهده ساحه سندم تدقیق ایدلم :

مشاهده جوجوگی اشیا، موجودات، حادثات و وقوعات ایله دوغروندن دوغرویه تماسه کترین ممارسه لری جامعدر.

اشیا و کله و یا شکل و صورتله تدریس بوممارسه لره اک چوق تقرب ایدن درسلردر. بز بونک ایچون (مشاهده) تعبیری ترجیح ایدیورز. چونکه ترویج ایتدیکم ذهنی عملیه بی دهاکوزل فاده ایدیور. غایه کله لرله اشیا بی بربرینه ربط ایتکدن عبارت اولمادی کبی شکل و صورتله تدریس نامی ویریلن محدود، معین جانسز اشکال مرئسمه ایله اکتفا ایتکده دکلدرد.

خایر، خایر... جوجوق دوغروندن دوغرویه اشیا، موجودات، حادثات و وقوعات ایله صیق صیق تماسه کله لیدر. ایچی صمان دولوقوشلر، قورومش جانسز یاپراقلر، لوحه لر، رسملر مقصدی قطعاً تأمین ایتمز. جوجوقلره طبیعتک حقیقی و جانلی یوزینی کوسترمه لی و بواولمادجه اونلرک حواس موجوده سی حرکت کلز. بو طبیعی و حقیقی یول براز زحمتلیدر. اوغراشمق، یورولق، زحمت چکیمک، آلری کیرلیمک، آرایوب بولق، داغلردن، بارلردن، باغچه لردن، سوقاقلردن طوبیلانان اشیا بی مکتبه کتیرمک، اونلری محافظه ایتک... سوکرا جوجوقلری آلوب مغازه لره، تزکاهلره فابریقه لره، اعمالاخانه لره چارشیلره، مؤسسه لره، موزه لره کوتورمک خیلی کوچ برایشدر. مکتبک موزه سندم رسملر، مجسم اشیا نمونه لری جانسز حیوانلر، قورومش یاپراقلر، یا عه چیچکلر ال آلتنده

حاضر بوتقلید شیلرده عینی ایشی کورمیورمی ؟ نه دن یورولمالی. حالبوکه قیلرلنده جوجوق عشق یا شایان مرسیلر ایچون بو اذیتلی برایش دکل طاتلی برمشغله در. اشیا واجسامی اولدینی کبی حقیقی شکلیله جوجوغه کوسترمه دن، جوجوقلری اونلرله تماسه کتیرمه دن کتابدن رسدن بلله نن قوشلردن بالقلردن حیوانلردن آغاقلردن چیچکلردن هیچ بر فائده بکلمه ملیدر. ذاتاً هر دورک پداغوزی علماسی بو نقطه ده متفقدلر. مونته نیبی، پستالوجینی، ژان ژاق روسینی اوقویکیز هپ عین فکره تصادف ایدرسکیز.

اوحالده مکتب موزه لرلنده کبی جانسز حیوانات، نباتات نمونه لرندن رسملردن، تابولردن استفاده ایتیه جکمی یز ؟

البت ایده جکیز. آنجق ممکن اولانلرک اولجه اصللری کورمک شرطدر. کورولورکه تأسیس ایتدیکم درسخانه ده ؟ باغچه زده، قیرلرده، سوقاقلرده طوبیلا غش شیلر وار. بونلر اولجه کلفتلی مصرقلری ایجاب ایتدیرمز. مثلاً : تخته قاصه لرک کوجوک کوزلرینه چیچک تخملری، میوه چکر دکلری، آریا، بوغدای، داری، قوری فاصولیه، مرجک، نخود، مصر، جوز، فندق و سائر یرلشدیریلیر. یته تخته قاصه لره قونش کورملی طور اراق ایچنه موسسه کوره چیچک تخملری، خاوج، صوغان، بانجارا کیلیر. درسخانه ده بالدیری قارا، قوش قونماز، قرانیل، زنبل، فسکن و سائر یرلشدیریلیر. حیوانلردن قورباغه، قایلومباغه، سووکلی بوجک و تدارکی ممکن اولایلنلر بسله تیر. بویوجک بر قفسده قوشلر بولندیریلیر. بو جانلی شیلرک یاننده یته مکتب کز یرلشدیرلده، قیرلرده طوبیلا غش طاش و معدن کوری، بوجوق، میدنه، استریده قابوقلری بولندیریلیر. بونلردن باشقا مواد ابتدایی نمونه لری و اونلردن انسانلرک وجوده کتیر دکلری اثرلر یان یانه قونیر. بوتون بو مختلف اشیا ووزرینه جوجوقلرک نظر دقتی جلب ایدیلیر. بو جانلی اشیا حقنده مکالمه لری یاپیلیر. حکایه لر، وقعه لر نقل ایدیلیر. جوجوقلر تدقیقه و مشاهده یه آلیشدیریلیر.

مشاهده ممارسه لرینک نه لردن عبارت اولدینی بر قاج کله ایله خلاصه ایدلم : مشاهده ممارسه لری ذکایی ایشلتیمک ایچون ایلك الدن طوبیلا غش یعنی جوجوگک حواسنی علاقه دار ایدن ماده لرندن ترکب ایدر.

جوجوقلر بو ممارسه لرده اوقوبوب یازمق مقایسه ایتک، حساب و محاکمه ایتک فرصتی بولورلر. مشاهده حقیقتله دوغروندن دوغرویه تماسی ایجاب ایتدیردیکندن بز جوجوقلری بعضاً بر اعمالاخانه یه، بعضاً محرق بر بنانک یانه، بعضاً ده بر واپورک ماکنه دائره سنه کوتورور و حادثه لری حال حیات و حال حرکتده کوسته ریرز.

شیمیدی ده تداعی ماهیتنده اولان ممارسه لری تدقیق ایدلم : اولجه سوبله دیکم کبی بوممارسه لرده اشیا و حقایق ایله دوغروندن تماسه احتیاج یوقدر. ذاتاً چوق کره ممکن ده دکلدرد. بالخاصه ایلك مکتبلرده برنجی و ایکنجی صنفلرلنده بو ملکه نك اهمیت ایتکچی درجه ده قالیور. معافیه بر قاج کله سوبله مک

فائده دن خالی دکلدرد. جوجوقلرک مشاهده صورتیه بلله دکلری شیلری حافظه لرلنده تثبیت و ایجابنده تخطر و سیله اولان ممارسه لرده.

اوندن ماعدا بر طرفدن کچن تجربه لرک خاطره لرینه دیگر طرفدن آغزندن بلله نن معلوماته استناد ایدن حقیقی تداعی مساعیسنی ناصل حاضر لاقی ممکن اولدینی کوسته ریرز.

تداعیه متعلق ممارساتی باشلیجه دوت غرویه آیردم :

۱ - بر قسمی اشیا واقعه لرک یقین و یا اوزاقلده اولدیلرینه یعنی مشاهده یه مساعد اولوب اولماد. قلینه نظراً آلدیم. مثلاً کیدیکم زایاق قابلری، سوکرا پک اوزاقلرده پشایان یکی زه لاندیلرک، هوتانلرک، قونغولیلرک کیدیکلری آایق قابلری... آرایه بعد مسافه کیرنجیه اونک ایضاحی بزى جوغرافیا ساحه سنه کوتورر.

۲) ایکنجی قسم تداعی ممارسه لری زمانک یقینلی اوزاقلنی اوزرینه مؤسسدر. ماضی ایله حال آراستنده رابطه و مناسبتلر حقنده بر فکر ویریر. موزه لر و سینما مالر...

۳) بو غرویه داخل اولان ممارسه لر انسانک احتیاجلرینه تعلق ایدنلردر که بونلر صنایعیتی و صحنی اوله بیلیر.

۴) حادثه لرک ایچون و ناصیل سؤالینه جواب ویرن اولجه مشاهده لر صورتیه حافظه ده بر طوتان مذکورلردن شکل ایدر.

شیمیدی بر آزده افاده و معنایه تعلق ایدن اوجنجی غرویدن بحث ایدلم :

افاده و معنا، دوشونجه بی باشقالری طرفندن قولایلقله اکلایشیلیر بر طرزده افاده ایتکدر. بناء علیه یالکیز تکلم و یازیدن عبارت دکلدرد بوکا رسم و ال ایشلری ده داخل اولور.

بعض جوجوقلرده (افاده و معنا) بی تضمن ایدن تکلم، قرائت، رسم، ال ایشلری قابلیت نقصان اولور. بعضاً مشاهده نك تأمین ایده مدیکي بو وصنی شبهه یوق که بو سوکرا کیلر غاملا یه جقدرد. بالخاصه سربست قروکیلر. معلملرک ویره جکی بر کوجوک موضوعی یاورولرک کندی آکلایشیلرینه کوره ترسیم ایتله لری، اونلرک مفکره سنک تربیه نه خادم اولور.

مه تودیمک ایلك مکتبلرده جوجوقلر اوزرلنده خیرلی تأثیرلری بال تجربه کورنلر، ایچکیز ده پک چوقدر. بوتون غایه مز جوجوقلری بومادان حیاته حاضر لامقدرد. اونلری علاقه دار ایتنه ی قوری، جانسز، جاذبه سز شیلرله اشغال ایتمه مکدر. حقیقی بر حیاته حاضر لانان جوجوقلری ممکن اولدجه حیاتی اولان شیلرله قارشیللا شیدرمق، اونلرک یقینندن مساعیه باشلاقی ایتدیورز. جوجوغه اک یقین اولان کندیسدر. اونک ایچوندر که بنده اوکا اولان کندینی طانمغه چالشم.

- سوک -